



LEYFI

Með vísan til III. kafla laga nr. 71/2008 um fiskeldi veitir Matvælastofnun hér með rekstrarleyfi til neðangreinds.

Leyfishafi: Fiskeldi Austfjarða hf.
Kennitala: 520412-0930
Aðsetur: Nesbala 122
170 Seltjarnarnes
Rekstrarleyfisnúmer: FE-1139
Leyfið gildir til: 21.3.2029

Starfsemi:

AE 1 - Lax / Salmo Salar

AE 1 – Lax / Salmo Salar – ófrjór (geldstofn)

Í gildi frá:

21.3.2019

21.3.2019

Kynslóðaskipt sjókvíaeldi í Fáskrúðsfirði. Framleiðslumagn 11.000 t (þar af 6.000 t af frjóum laxi og 5.000 t af ófrjóum laxi). Hámarkslífmassi 11.000 t. Frjór lax: SAGA-stofn, ófrjór lax: SAGA-stofn. Sjókvíaeldissvæði C (Eyri/Fagraeyri, Æðasker, Höfðahúsabót), A og B eru í Berufirði FE-1138.

Svæði

Eyri/Fagraeyri
Valkostur a C

Punktur

1. 64° 54.631'N 13° 56.103'W, 2. 64° 54.466'N 13° 54.032'W,
3. 64° 54.278'N 13° 54.092'W, 4. 64° 54.442'N 13° 56.203'W,

Eyri/Fagraeyri
Valkostur b C

1. 64° 54.554'N 13° 56.138'W, 2. 64° 54.391'N 13° 54.055'W,
3. 64° 54.278'N 13° 54.092'W, 4. 64° 54.442'N 13° 56.203'W,

Höfðahúsabót
Valkostur a C

1. 64° 55.140'N 13° 51.550'W, 2. 64° 54.820'N 13° 50.100'W,
3. 64° 54.480'N 13° 50.712'W, 4. 64° 54.801'N 13° 52.106'W,

Höfðahúsabót
Valkostur b C

1. 64° 55.140'N 13° 51.550'W, 2. 64° 54.820'N 13° 50.100'W,
3. 64° 54.576'N 13° 50.553'W, 4. 64° 54.801'N 13° 52.106'W,

Æðasker C

1. 64° 54.170'N 13° 44.850'W, 2. 64° 54.070'N 13° 43.400'W,
3. 64° 53.486'N 13° 43.645'W, 4. 64° 53.628'N 13° 45.095'W,

Eldi ófrjórna laxa (geldstofn) er bundið því skilyrði að aðferðir, sem notaðar eru til að hindra að eldisfiskur framleiði frjóar kynfrumur, uppfylli ákvæði laga nr. 55/2013 og reglugerðar nr. 300/2018 um velferð lagardýra, varnir gegn sjúkdómum og heilbrigðiseftirlit með eldisstöðvum.

Rekstrarleyfið er gefið út miðað við fyrirliggjandi mat Hafrannsóknastofnunar á burðarþoli og áhættumati vegna erfðablöndunar. Heimilt er að endurskoða forsendur leyfisins ef breytingar verða á burðarþolsmati og/eða áhættumati Hafrannsóknastofnunar.

Rekstrarleyfið er bundið við yfirlýsingu leyfishafa um að hann viðhafi í tilvikum þar sem eldi er stundað samhliða eldi annarra aðila, samræmda útsetningu seiða og hvíld eldissvæða innan sjókvíaeldissvæðis. Jafnframt er rekstrarleyfið bundið við að leyfishafi vinni, í slíkum tilvikum og eftir atvikum, með öðrum leyfishöfum sameiginlega að sjúkdómavörnum, viðbrögðum við sjúkdómum og vöktun laxalúsar.

Rekstrarleyfishafi skal við eldi frjórna laxa notast við ljósaþyrtingu, þ.e. hafa kveikt ljós í kvíum meðan dagsbirtu gætir ekki frá 20. september til 20. mars. Við útsetningu frjórna seiða og þar til fiskur er orðin að meðaltali yfir eitt kíló skal möskvastærð í kvíum vera að hámarki 18 mm (legglengd möskvans). Frjó seiði sem sett eru út í kvíar skulu vera yfir 56 gr.

Á gildistíma leyfisins skal fara fram vöktun og rannsóknir af hálfu rekstrarleyfishafa til að meta vistfræðileg áhrif á nánasta umhverfi eldisstöðvarinnar.

Varúðarráðstafanir til að koma í veg fyrir að fiskur sleppi vegna eldis eða flutnings á fiski skulu vera skráðar og aðgengilegar hjá eldisaðila, og áætlun um aðgerðir til að endurheimta fisk sem sleppur. Leyfishafi skal sjá til þess að viðbragðsáætlun vegna slysasleppinga sé staðsett á eldissvæðinu og kynna starfsmönnum hana. Rekstrarleyfishafi sem missir fisk úr fiskeldisstöð, skal án tafar tilkynna slíkan atburð til Fiskistofu.

Rekstrarleyfishafi ber skyldu til notkunar erfðavísa þannig að unnt sé að rekja uppruna eldislaxa til ákveðinna sjókvíaeldisstöðva. Rekstrarleyfishafa er skylt að notast við utánaliggjandi merkingar á eldislaxi í sjókvíaeldi samkvæmt ákvæðum reglugerðar um fiskeldi.

Leyfið er bundið við ofanskráða kenntölu, starfsemi og ræktunarsvæði. Leyfishafi skal uppfylla allar þær kröfur sem gerðar eru til starfseminnar í lögum og reglugerðum. Óheimilt er að hefja aðra starfsemi en leyfið nær til, nema að fengnu samþykki Matvælastofnunar.

Gildistaka rekstrarleyfis er háð úttekt Matvælastofnunar. Gildistaka rekstrarleyfis sjókvíaeldis er háð því skilyrði að rekstrarleyfishafi skili inn stöðvaskírteini útgefnu af faggiltri skoðunarstofu fyrir hverja einstaka starfsstöð áður en rekstur hefst. Gildistaka rekstrarleyfis fiskeldisstöðva á landi er háð því skilyrði að stöð sé útbúin búnaði sem kemur í veg fyrir að fiskur sleppi úr eldiskari og búnaði staðsettum í frárennslisstöðvar sem fangar fisk sem sleppur.

Rekstrarleyfið er háð skilyrðum laga nr. 71/2008 um fiskeldi og reglugerða og annarra stjórnvaldsreglna, sem kunna að verða settar á grundvelli laganna, sem og þeim breytingum sem kunna að vera gerðar á lögum og reglugerðum.



Erna Karen Óskarsdóttir

Erna Karen Óskarsdóttir, fagsviðsstjóri fiskeldis